



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 444; 565 404; 565 400
fax. +387 33 565 423
e – mail: jvp@bih.net.ba; info@voda.ba

Broj: UP-I/25-2-40-190-2/08
Datum: 12.11.2008. godine

«Agencija za vodno područje rijeke Save» Sarajevo rješavajući po zahtjevu «OMEGA» d.o.o. Živinice za izdavanje vodne saglasnosti za ispuštanje tehnoloških otpadnih voda interne benzinske stanice sa pratećim sadržajima, na osnovu člana 114, člana 120. stav 1. i člana 139.stav 1. Zakona o vodama («Službene novine Federacije BiH», broj 70/06), člana 16. do člana 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 6/08) i člana 200. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj saglasnosti**

1. Investitoru, «OMEGA» d.o.o. Živinice, daje se vodna saglasnost za ispuštanje tehnoloških otpadnih voda interne benzinske stanice sa pratećim sadržajima u Malinama općina Živinice, u sklopu postojećeg objekta – Skladište veleprodaje, na parceli označenoj kao k.č. 303/41 k.o. Spreča.
2. Vodna saglasnost se izdaje na osnovu dostavljene dokumentacije, utvrđenog činjeničnog stanja i pod sljedećim uslovima:
 - 2.1. Snabdijevanje objekta potrebnom vodom za sanitarne i protivpožarne potrebe, obzirom da se radi o količini vode do 10,0 l/s, bit će riješeno vodom saglasnošću koju će Investitoru izdati Ministarstvo privrede kantona Sarajevo.
 - 2.2. Atmosferske vode sa manipulativnih površina benzinske stanice i prostora parkinga koje mogu biti onečišćene naftnim derivatima, će se prikupiti pomoću slivnika i linijskih rešetaka i sistemom kanalizacije odvesti do separatora ulja i masti.
 - 2.3. Planirana je ugradnja tipskog separatora ulja i naftnih derivata. Iza separatora ulja će se izgraditi reviziono okno za monitoring iz kojeg se prečišćena voda odvodi do otvorenog pružnog kanala. Odabrani separator ulja sa taložnikom tipa AQUAREG 20-S1P, kapaciteta 20 l/s, će osigurati da se čisti preljev iz separatora ulja može ispustiti u prijemnik, odnosno da se zadovolje granične vrijednosti parametara definisane Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).
 - 2.4. Šaht za monitoring ispuštenih otpadnih voda bit će reviziono okno iza separatora ulja, a prije ispusta prečišćenih voda u otvoreni pružni kanal.
 - 2.5. Za smještaj goriva će se ugraditi dvoplašni čelični rezervoari ukupne zapremine 50 m³, koji se trebaju izvesti sa adekvatnom antikorozivnom zaštitom i kontrolom mjerenja nivoa tečnosti u međuplaštnom prostoru.
3. Objekti benzinske stanice sa pratećim sadržajima, ne smiju biti u koliziji sa površinskim ili podzemnim vodama niti mogu da se nalaze u prostoru zaštitnih zona izvorišta vode za javno vodosnabdijevanje.

4. Nakon izgradnje objekta interne benzinske stanice, a prije pribavljanja upotrebne dozvole za objekat, Investitor će zatražiti izdavanje vodne dozvole, u skladu sa članom 115. Zakona o vodama.
5. Ova vodna saglasnost, shodno članu 114. stav 6. Zakona o vodama, prestaje da važi istekom roka od dvije godine od dana njenog izdavanja, ukoliko do tog dana nije pribavljeno odobrenje za građenje i započeti radovi.
6. Investitoru se vraća ovjerena projektna dokumentacija na trajno čuvanje.

O b r a z l o ž e n j e

«OMEGA» d.o.o. Živinice se pismenim zahtjevom obratilo ovoj Agenciji tražeći izdavanje vodne saglasnosti za ispuštanje tehnoloških otpadnih voda interne benzinske stanice sa pratećim sadržajima u Malinama općina Živinice, u sklopu postojećeg objekta – Skladište veleprodaje, na parceli označenoj kao k.č. 303/41 k.o. Spreča.

Uz zahtjev je dostavljena i pregledana sljedeća dokumentacija:

- Ovjerena kopija rješenja o registraciji u sudski registar, kod subjekta upisa «OMEGA» d.o.o. Živinice, upisani su podaci od značaja za pravni promet i to: podaci o promjeni osnivača društva, promjeni lica ovlaštenih za zastupanje društva i poslovnih jedinica društva, Općinski sud u Tuzli broj 032-0-Reg-08-001089 od 11.08.2008. godine.
- Kopija uvjerenja o registraciji/upisu u Jedinstveni registar obveznika indirektnih poreza i identifikacijskom broju.
- Glavni projekat interne benzinske pumpe d.o.o. OMEGA u Malinama općina Živinice, investitora «OMEGA» d.o.o. Živinice, urađen od strane preduzeće za projektovanje «ARHITEKTING-TNS» d.o.o. Tuzla, oktobar 2008. godine.
- Saglasnost JKP «VODOVOD I KANALIZACIJA» Tuzla za priključak na instalacije gradskog vodovoda, broj: 561/1 od 10.11.2001. godine.
- Kopija Urbanističke saglasnosti za izgradnju poslovnog objekta interne benzinske stanice sa pratećim sadržajima u Malinama općina Živinice, u sklopu postojećeg objekta – Skladište veleprodaje.
- Mišljenje Ministarstva prostornog uređenja i zaštite okoline Tuzlanskog kantona broj: 12-03-4-23-4853-02/08 od 18.11.2008. godine prema kojem za predmetni objekat nije potrebna okolinska dozvola.

U provedenom postupku konstatovano je sljedeće:

Lokacija na kojoj se planira izgradnja objekta interne benzinske stanice sa pratećim sadržajima je u Malinama općina Živinice, u sklopu postojećeg objekta – Skladište veleprodaje, na parceli označenoj kao k.č. 303/41 k.o. Spreča.

Utvrđeno je da ne postoje smetnje da se na navedenom lokalitetu Investitoru ne dozvoli izgradnja objekta interne benzinske stanice sa pratećim sadržajima, uz obavezu da ispoštuje uslove sektora voda koje je obradio u tehničkoj dokumentaciji i obavezan ih je ispuniti kod izgradnje objekta.

Ova vodna saglasnost odnosi se na izgradnju kanalizacione mreže za prihvat otpadnih voda i prečišćavanje istih prije njihovog ispuštanje u prijemnik, a koje se javljaju kao tehnološke i oborinske zauljene otpadne vode, kako je to regulisano članom 139. stav 1. tačka 3. zakona o vodama.

U investiciono - tehničkoj dokumentaciji urađenoj na nivou glavnog projekta data su sljedeća rješenja koja se odnose na pitanje prikupljanja, transporta i prečišćavanja otpadnih voda, a koje se javljaju iz objekta benzinske pumpe:

- za prihvata zauljenih otpadnih voda sa manipulativnih, parking i saobraćajnih površina u sklopu interne benzinske stanice, izgradiće se kanalizaciona mreža, slivnici i podužni kanali sa rešetkama, koji će sve zauljene oborinske vode prikupiti i ispustiti u tipski separator ulja. Ispust iz separatora je preko revizionog okna (okno za monitoring) u otvoreni pružni kanal.
- granične vrijednosti izlaznih parametara u otpadnoj vodi treba da su u skladu sa Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).
- rezervoari za gorivo će se izvesti kao dvoplaštni i sa antikorozivnom zaštitom i kontrolom mjerenja nivoa tečnosti u međuplašnom prostoru.

U skladu sa svim navedenim konstatovano je da sa aspekta sektora voda i priložene dokumentacije ne postoje zapreke da se Investitoru ne izda tražena vodna saglasnost za prihvata otpadnih voda, a koje se javljaju kao tehnološke i oborinske zauljene otpadne vode pa je riješeno kao u dispozitivu.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM takse, prema tarifnom broju 3. Tarife federalnih administrativnih taksi.

S poštovanjem,

**Po ovlaštenju
Rukovodilac sektora za
izdavanje vodnih akata**

Nedžad Vilić, dipl.inž.građ.

Dostaviti:

- «OMEGA» d.o.o. Živinice, II Krajiške 23, 75270 Živinice
- Federalno ministarstvo poljoprivrede
vodoprivrede i šumarstva,
- FU za insp. poslove, vodna inspekcija,
- AVP Sava, ISV-vodna knjiga,
- Sektor 50
- Sektor 40-arhiva